



Rabu, 29 Desember 2021

Ogen: Pengerana 11:4-7



"Merdang Tupung Erpagi-pagi"



Lit istilah si erbelas *apa yang engkau tabur itu juga yang akan engkau tuai*". Belas-belas enda mereken sada pengangkan man banta kerina segelah kai si idahiken pasti si dat ulihna. Bagepe bagi si ibelasken bas ogenta kitab Pengerana enda ndai. Adi sibenaken ndahiken sada dahin tentuna sidat nge ulih i bas pendahinta e. Amin gia secara doni, ulih sinidat maun labo bagi sura-surata, tapi ulih e jadi nanam si ntabeh man banta seh maka i bas paksa si payo si rani si terulin.

Secara teks Alkitab ikataken maka kalak si nimai mehuli lebe wari lalap la ia merdang, lalap la rani (ayat 4). Tapi kalak si merdang erpagi-pagi alu sura-sura ras perbahanen si mehuli idatkenna me kerna ketutusan i bas kita merdang e seh maka mehuli perturahna (ayat 6). Mari lebe si ukuri kerna kegeluhenta, merdang e banci erbage-bage jenisna, merdangkan benih, merdangkan kekelengen, merdangkan biak-biak si mehuli si ngena ate Dibata. Tentuna ise pe kita ersura-sura merdangkan kiniulin bas kegeluhenta.

Tema-nta sendah merdang tupung erpagi-pagi mereken sada penggejapen man banta segelah kita pe ngasup ndahiken sada dahin si mehuli guna ngaloken kiniulin ka bas kegeluhenta. Paksa hasilna la bagi siniarapken, tentuna lit kekecewaan. Tapi, apakah kekecewaan e mabai ceda geluhta? Atau kekecewaan e mabai kita lanai erpengendes man Dibata. Renungenta wari enda mabai sada pengajuk man banta gelah kita tetap ndahiken dahinta alu tutus, menaken kegeluhenta tep-tep wari alu merdangkan si mehuli, si jorena ras simetungguna i lehe-lebe Dibata. Teklah kita, i bas paksa payo reh me penampat arah Dibata nari guna nampati kita merdangkan sada bagin bas geluhta simehulina seh maka sura-sura Dibatalah si jadi labo sura-surata.